

REPUBLIKA E SHQIPËRISË

GJYKATA E RRETHIT GJYQËSOR, TIRANË

Nr. i Vendimit 957

VENDIM

PËR REGJISTRIMIN E PERSONIT JURIDIK

Gjykata e Rrethit Gjyqësor Tiranë e përbërë nga:

GJYQTAR BLEDAR ABDULLAI

Në Tiranë, sot, më datë 26.11.2014, unë, gjyqtari i Gjykatës së Rrethit Gjyqësor Tiranë, Bledar Abdullai, mora në shqyrtim kërkesën për regjistrimin si person juridik në Regjistrin e Organizatave Jofitimprurëse që i përket:

KËRKUES: JONILA GODOIJA, shtetase shqiptare, [...] e me zotësi të plotë juridike për të vepruar [...], përkatësisht në cilësinë e drejtorit ekzekutiv të organizatës jofitimprurëse Qendra **"INSTITUTI PËR DEMOKRACI, MEDIA DHE KULTURË (IDMC)"**, **"INSTITUTE FOR DEMOCRACY, MEDIA AND CULTURE"**, më poshtë quajtur **"QENDRA"**.

OBJEKTI: Regjistrimin si person juridik i organizatës jofitimprurëse **"INSTITUTI PËR DEMOKRACI, MEDIA DHE KULTURË (IDMC)"**, **"INSTITUTE FOR DEMOCRACY, MEDIA AND CULTURE"**.

BAZA LIGJORE: Ligji 7850, datë 29.07.1994, "Kodi Civil i Republikës së Shqipërisë" i ndryshuar, ligji 8788, dt. 07.05.2001, "Për organizatat jofitimprurëse" dhe ligji 8789 dt. 07.05.2001, "Për regjistrimin e organizatave jofitimprurëse".

Unë, Gjyqtari Bledar Abdullai, pasi studiova kërkesën e paraqitur nga kërkuësja Znj. JONILA GODOIJA, në cilësinë e Drejtorit Ekzekutiv të Qendrës së quajtur **"INSTITUTI PËR DEMOKRACI, MEDIA DHE KULTURË (IDMC)"**, **"INSTITUTE FOR DEMOCRACY, MEDIA AND CULTURE"**, si dhe dokumentet e tjera bashkëngjitur,

[...]

VENDOSA:

1. PRANIMIN E KËRKESËS.

2. REGJISTRIMIN E QENDRËS **"INSTITUTI PËR DEMOKRACI, MEDIA DHE KULTURË (IDMC)"**, **"INSTITUTE FOR DEMOCRACY, MEDIA AND CULTURE"**, SI PERSON JURIDIK NË REGJISTRIN E ORGANIZATAVE JOFITIMPRURËSE ME TË DHËNAT SI MË POSHTË:

QENDRA **"INSTITUTI PËR DEMOKRACI, MEDIA DHE KULTURË (IDMC)"**, **"INSTITUTE FOR DEMOCRACY, MEDIA AND CULTURE"**, është një organizatë jofitimprurëse e themeluar më datë 11.11.2014, nga personat e mëposhtëm:

JONILA GODOLJA, shtetase shqiptare, [...] e me zotësi të plotë juridike për të vepruar [...].

SONILA DANAJ, shtetase shqiptare, [...] e me zotësi të plotë juridike për të vepruar [...].

MATILDA ALKU, shtetase shqiptare, [...] e me zotësi të plotë juridike për të vepruar [...].

QENDRA **"INSTITUTI PËR DEMOKRACI, MEDIA DHE KULTURË (IDMC)"**, **"INSTITUTE FOR DEMOCRACY, MEDIA AND CULTURE"**, është themeluar në përputhje me dispozitat ligjore në fuqi, që rregullojnë themelimin dhe organizimin e organizatave jofitimprurëse dhe nuk ka qëllim fitimi.

Kohëzgjatja e Qendrës është e pakufizuar dhe e shtrirë veprimtarinë e saj në të gjithë territorin e Republikës së Shqipërisë.

Qendra është një organizatë pa anëtarësi. Ajo nuk ndjek qëllime politike. Veprimtarinë e saj e bazon në ligjet që janë në fuqi, në parimet e të Drejtave të Njeriut, në Statutin dhe programin e saj.

Qëllimi i saj është i përcaktuar në aktin e themelimit dhe Statutin e saj të nënshkruar nga themeluesit.

IDMC është një person juridik shqiptar, me statusin e një organizate jofitimprurëse, i cili përdor qasje ndërdisiplinare për të studiuar, kuptuar dhe promovuar zhvillimin e vlerave demokratike, rolin dhe impaktin e medias dhe kulturës në Shqipëri. Kjo qendër synon:

- të ndjekë zhvillimet politike e shoqërore në vend me synim promovimin e vlerave demokratike dhe konsolidimin e rendit demokratik;
- të kthehet në një qendër debati kritik dhe kërkimi shkencor mbi aktorët politikë dhe shoqërorë në promovimin e vlerave demokratike;
- të evidentojë dhe dokumentojë zhvillimin e medias si aktore kyçe për demokratizimin e vendit përmes analizës shkencore;
- të shërbejë si një qendër debati dhe kërkimi shkencor mbi rolin e gazetarëve dhe të medias në epokën e sotme të teknologjive të komunikimit;
- të mbështesë artin dhe kulturën, si dhe shkëmbimet kulturore në të gjitha fushat;
- të promovojë diversitetin kulturor dhe tolerancën dhe të kthehet në pikëtakim të kulturave të ndryshme në shkallë lokale dhe ndërkombëtare;
- të ofrojë qasje ndërdisiplinare për trajtimin e temave me rëndësi për shoqërinë shqiptare.

Qendra e ka selinë e saj në Tiranë, me adresë Rruga "Qemal Stafa", Pallati 292, Kati i 8-të, Kulla postare 214, dhe do të ketë dhe degë në qytetet brenda dhe jashtë Republikës së Shqipërisë.

Kohëzgjatja e saj është e pakufizuar.

Organet drejtuese të Qendrës janë:

- Bordi i Drejtorëve
- Kryetari i Bordit të Drejtorëve
- Drejtori Ekzekutiv

Bordi i Drejtorëve është Organi më i Lartë vendimmarrës i Qendrës, i cili drejton të gjithë veprimtarinë e Qendrës duke marrë vendime për çështje me synime afatgjata dhe afatshkurtra.

Bordi i Drejtorëve është Organi më i Lartë vendimmarrës i Qendrës, i cili drejton të gjithë veprimtarinë e Qendrës duke marrë vendime për çështje me synime afatgjata dhe afatshkurtra.

Anëtarët e parë të Bordit të Drejtorëve janë:

1. **Jonila Godolja**
2. **Sonila Danaj**
3. **Matilda Alku**

Kryetare e Bordit të Drejtorëve është zgjedhur Znj. Sonila Danaj.

Drejtoreshë ekzekutive është zgjedhur Znj. Jonila Godole.

Te ardhurat e Qendrës do të sigurohen nga:

- kontributi fillestar i themeluesve, i përbërë nga një shumë prej 100.000 (njëqind mijë) lekë të depozituar në llogari të Qendrës, në një nga Bankat e nivelit të dytë, shumë kjo e cila kalon në pronësi ekskluzive të Qendrës nga momenti i regjistrimit të saj në Gjykatë. Themeluesit zhvishen nga e drejta e pronësisë së kësaj shume në momentin e përcaktuar më lart;
- të ardhura dhe financime nga donatorë vendas dhe të huaj;
- dhurata, ndihma, grante, kontribute dhe sponsorizime nga persona fizikë dhe juridikë, vendas dhe të huaj, të dhëna pa kushtëzime që bien ndesh me kushtet e këtij statuti;
- programet e financuara nga organizma ndërkombëtare, organizma dhe institucione e fondacione të huaja e kombëtare, borde lokale, rajonale, kombëtare e ndërkombëtare, zhvillimi i leksioneve, ekspozitave etj.;
- burime të tjera financimi, shprehimisht të lejuara prej ligjeve të Republikës së Shqipërisë.

3. DEPOZITIMIN PRANË REGJISTRIT TË ORGANIZATAVE JOFITIMPRURËSE TË KËTIJ VENDIMI DHE AKTEVE TË THEMELIMIT TË QENDRËS **"INSTITUTI PËR DEMOKRACI, MEDIA DHE KULTURË (IDMC)", "INSTITUTE FOR DEMOCRACY, MEDIA AND CULTURE"**.

4. Kundër KËTIJ vendimi lejohet ankim SIPAS LIGJIT NË GJYKATËN E APELIT TIRANË.

5. U SHPALL SOT, NË DATË 26.11.2014.

GJYQTAR

BLEDAR ABDULLAI